

Chopi - Wunene-Wubiha Mialakanyo Mibhalo - Good-Bad Mind Scriptures

Wunene Mialakanyo Mibhalo - Good Mind Scriptures

Marko - Marku 5:15 Kutingako va di hokile ka Jesu, ve wona wu a nga ti ni txikwata txa mimoya a di khalahatshile, a di ambate, a di ni mapimo a manene va to telwa ngu dizowa.

Luka 8:35 Se vathu va to huma ve ya wona ti ti nga humelela. Kutingako va txi hoka ka Jesu, va to mana mthu wuwa madhimoni ma nga huma kwakwe, a di khalahatshile minengeni ka Jesu, a di ambate, a di ni kupima ka kunene, se ve thava ngutu.

Mithumo Ya Vapost 17:11 Vona va ti ni mialakanyo ya yinene kupinda ya Vatesalonika. Va amukete dipswi ngu yotshe mbilu. Ditshiku ni ditshiku va ti gonda dibhuku, kasi kuwonisia ditshuri da totshe timhaka.

Mithumo Ya Vapost 20:19 Ni thumete Mkoma ngu ku ti veka hahatshi ni kudila mirongo ni siduko si si nga ni humelela, si txi wuswa ngu mazunga a Vajudha.

VaRoma 7:25 Txi na dhumiswe Txizimu, ngu Mkoma wathu Jesu Kristu! Ngu konaho ni khumbi ya mlayo wa Txizimu ngu mbilu, aniko ngu wuthu, ni khumbi ya mlayo wa txiwonho.

VaRoma 8:6 Ngukusa kuxuva ka mmidi ngu lifo, kasi kuxuva ka Moya ngu wutomi ni kudikha;

VaRoma 8:27 Se awule i ku ene a zivako ta mbiluni ka mthu, wa yi ziva minavelo ya Moya, nguko wona wu kombelela vasawuleki ka tiya ti tsimbilako ngu nzila ya kuranda ka Txizimu.

VaRoma 11:34 Nguko: "I mani a nga yi ziva mialakanyo ya Mkoma? I mani a nga va mlayeli wakwe kani?

VaRoma 12:2 Mi nga xenegetelweni ngu sa ditiko diya, aniko phindukani amu ka mapimo anu, kasiku mi ziva kuranda ka Txizimu: Ati i ku tatinene, a ti ti m'tsakisako, ni ti i ku ta kuhetiseka.

VaRoma 12:16 Zumbani ngu kuengisana; mi nga naveleni sa kuguleka; kambe sengelani ni va va ti vekako hahatshi; mi nga laveni ku ti maha tixhari mialakanyoni kwanu.

VaRoma 14:5 Mmwane a pimisa ti to ditshiku da hambana ni dimwane ditshiku, kasi mmwane a pimisa ti to otshe masiku ma fana. Mmwane ni mmwane a na mahe nga ti a kholwisako tona mbiluni kwakwe.

VaRoma 15:6 kufela ku mi dhumisa ngu diganda Txizimu, atxi i ku Tate wa Mkoma wathu Jesu Kristu.

1 VaKorinto 1:10 Kambe na mi khongotela, vanathu, ngu ditina da Mkoma Wathu Jesu Kristu, ti to motshenu mi fanete kuva ni kupfana kuwombawombani kwanu, ni ti to mi zumba mi singa ni mibhando hagari kwanu; mi fanete

kupfanana ngu moya ni mialakanyo ya mbilu.

- 1 VaKorinto 2:16 Ngukusa i mani a nga ziva mialakanyo ya Txizimu, kasiku e txi gondisa kani? Aniko athu hi ni mialakanyo ya Kristu.
- 2 VaKorinto 7:7 i singa ngu kubwaka dwe, aniko ngu thavelelo yi a nga yi amukela kwanu. Ene a hi xawutete kunavela kwanu ka hombe, kudila kwanu, ni ku ni gonga kwanu. Se atiya ti ni tsakisile ngutu.
- 2 VaKorinto 8:12 Ngukusa, ngako ku di ho kuxuva kuhumisa misengo, sa amukeleka asi mthu a ku naso; kha ku nga ni mhaka ya si a ku singa naso. (1 Kronike 28:9)
- 2 VaKorinto 9:2 Na ku ziva ku ti ningetela kwanu ka mhaka ya kuvhuna, se ngu toneto ni ti dhumiñako ngu nganu masoni ka Vamakedhoniya ni txi va gela ku khani: "Va Akaya va ti lungisete kukhukhela hanyamwaka", kukhutala kwanu ku wusile wungi wa mabanza,
- 2 VaKorinto 13:11 Magwito ka totshe, vanathu, zumbani mi di tsakile, khutalani ngu kumaha wunene, tsanisanani mi txi va ni kualakanya kumweko, mi txi hanya ngu kudikha. Txizimu txa lirando ni txa kudikha txi na va ni manu.

VaEfesu 4:23 Anu tumelani kuteka mahanyelo a mthu wa mphya moyani kwanu; VaFilipiya 2:2-5 tatisani kutsana kwangu, motshenu mi va mi di ni kualakanya ko fana, lirando limwelo, mbilu yimweyo ni moya wumwewo. 3 Mi nga maheni to maha ngu kukanetana kumbe ku ti kulisa, aniko thumanu ngu ku ti veka hahatshi, mi si alakanyi ti to ma pala vamwane ngu wunene. 4 Kha ku laveki ti to mmwane ni mmwane a txi khatalela simaha sakwe basi, aniko mmwane ni mmwane a na khatalele simaha sa nkawae. 5 Hagari kwanu, ku laveka mi zumba mi di ni mapimo a Jesu Kristu:

VaFilipiya 4:2 Na kombela ka Evhodhiya, na khongota ka Sintike, ti to ve engisana ka Mkoma.

VaFilipiya 4:7 Senikoko kurula ka Txizimu, ku pindako wotshe wuzivi, ku na veketa timbilu tanu ni mialakanyo yanu ngu Kristu Jesu. (Isaya 26:3)

VaKolosa 3:12 Nga ti mi nga sawulwa ngu Txizimu, mi manekako mi di basile ni kurandeka, ambalani moya wa wumbilu, wa wunene, wa ku ti veka hahatshi, wa kuthutha ni wa litimiselo;

2 VaTesalonika 2:2 ha mi kombela, ti to mi si kuluveti mi txi dekadekiswa timbiluni kwanu, ti to mi si dhukiswi ngu dipswi da wuprofeti, hambi ngu mawombelo mamwane, mwendo dipswi di di ku nga di ta ngu kwathu, asi si ndino mi ninga kukholwa ti to ditshiku da Mkoma di hokile.

2 Timoti 1:7 Nguko Txizimu kha txa hi ninga moya wa dizowa, aniko txi hi ningile moya wa mtamo, ni wa lirando ni ku ti pimela.

Titosi 2:6 Laya nivona va i ku vavaphya kasiku ve ziva ku ti pimela ka sotshe simaha.

Hebheru 8:10 Txitumelelano txi ni no txi maha ni nyumba ya Israyeli msana ka masiku onayo, ku womba Mkoma, ngu txiya: Ni na veka milayo yangu mapimoni kwawe, ni na yi bhala timbiluni kwawe. Ani ni na va Txizimu txawe, ni

vona va na vathu vangu.

- 1 Pedro 1:13 Ngu toneto, sungani mitxalatxala siwununi kwanu, mi txi zumba mi txi wonelela. Vekani likholo lanu ka kateko yi mi no ningwa, ka ditshiku di Mkoma wathu Jesu Kristu a no ta ti wonekisa.
 - 1 Pedro 5:2 Dyisani mtxhambi wa Txizimu, awu mi nga vekelwa, mi txi wu xayisa, i singa ngu kukurumetwa, aniko, ti maheni ngu kuranda ka mbilu, i singa ngu moyo wa nzambwa ya kulava dibhindu. Ti maheni ngu ku ti ningetela ka mbilu;
 - 2 Pedro 3:1 Vo randeka, adiya dipapilo nda wumbidi ni txi mi bhalela, na ni txi duketa, ka otshe mapapilo a mambidi, kuwuseta mialakanyo yanu ya yinene ngu sialakanyiso so kari;
- Jakobe 1:17 Sotshe sihiwa sa lisima, sotshe siningo sa kuhetiseka, si ta ngu txitimwi, si txi txhika ngu ka Tate wa liwoningo, awu a ku singa ni kutxitxa, awu kuwoninga kwakwe ku ku singa ni kutxitxa ku txi maha txidema. (Jobe 23:13)
- Mtuletelo 17:9 Ahawa ku laveka mapimo a wuzivi: Misungo yiya ya mtxhanu ni yimbidi i mtxhanu wa mimango ni yimbidi, ahawa wu wamsikati a nga khalahatsha kona. Kambe i mtxhanu wa vafumeli ni vambidi.

Wubiha Mialakanyo Mibhalo - Bad Mind Scriptures

Marko - Marku 7:21 Kha ditshuri, mndani timbiluni ka vathu, ku huma mialakanyo yo biha: Kugelegele, wukhamba, kudaya, (Ezekhiyeli 38:10)

Luka 12:29 Kambe anu mi nga vileleni ngu si mi no dya ni si mi no sela, mi nga kanakaneni;

Mithumo Ya Vapost 12:20 Herodha a ti ni txiviti ni vathu va Tiri ni Sidhoni, kambe vona va to langana ve ta kwakwe. Se kutingako va di engisani ni Blasto nduna ya hombe ya mkoma, va to kombela kudikha ka ditiko, inkusa ditiko dawe di ti tshunzela ditikoni ka mkoma.

Mithumo Ya Vapost 14:2 Aniko Vajudha va va nga mbi kholwa va to kujetela vamatiko kasiku timbilu tawe ti txi wukela vanathu.

VaRoma 1:28 Se aku va nga mbi lava kuziva txilo ngu ditshelo da Txizimu, txona Txizimu txi va ningete ka mialakanyo yawe yo mbi vhuna txilo, ve za ve maha ti ti si lavekiko.

VaRoma 8:6,7 Ngukusa kuxuva ka mmidi ngu lifo, kasi kuxuva ka Moya ngu wutomi ni kudikha; 7 Ngukusa kuxuva ka mmidi mbulala ka Txizimu, nguko wona kha wu ti veki hahatshi ka mlayo wa Txizimu; txima kha wu na mbi si kota.

VaRoma 11:20 Ngu txona; ma phatutwe ngu ku ambi kholwa; se awe u tsani ngu mhaka ya kukholwa, u nga ti kulise, aniko thava!

2 VaKorinto 10:5 ni wotshe mtamo wa ku ti kulisa wu wu lwako ni kuziva ka

Txizimu. Ha khozisa mialakanyo yotshe yi txi maha ya kuengisa Kristu.

2 VaKorinto 11:3 Aniko na thava ti to, ngaku mnyoka wu nga kanganyisa Evha ngu marindi a wona, mialakanyo yanu ni yona yi nga wonhwa, mi txi thaviswa ka wunene wu wu ku ka Kristu.

VaEfesu 2:3 Nanathu hotshethu hi ti fite kale kufana navo, ngu kulondetela minavelo yathu yo biha ni kumaha kuranda ko hambana ka mmidi wathu ni mipimiso yathu. Ngu kota yeto, nathu ngu mtumbuluko wathu hi ti maneka hi di vanana va va fanelwako ngu kutsukulwa ngu Txizimu kufana ni vamwane.

VaEfesu 4:17 Ndiye mhaka yi ni mi gelako, na ni txi yi tsanisa ngu ditina da Mkoma: Mi nga tshumeleni kambe mi hanya nga vamatiko, avava va londetelako mipimiso yawe yo biha.

VaKolosa 1:21 Nanu, mi ti kule kale, mi titi valala ngu mipimiso ni mithumo yanu yo biha yi nga txi kombisa wulala wa hombe, (Sidinganiso 21:27; Ezekhiyeli 23:17)

VaKolosa 2:18 Mthu a nga thuke e mi tekela hakhelo yanu ngu kutsakela wukhozeli wa makuhu ni kukhizamela tingelozi ngu kukholwa ngutu ka miloro yakwe, a txi ti guleta ngu sa walo, ngu mialakanyo yakwe ya ta mmidi;

1 VaTesalonika 5:14 Ha mi laya, vanathu, kawukani sindakamilayo. Tsanisani ava va ku ni dizowa, vhunani ava va ku ni dikhodho, mi va ni kuhonisela ka votshe.

2 VaTesalonika 2:2 ha mi kombela, ti to mi si kuluveti mi txi dekadekiswa timbiluni kwanu, ti to mi si dhukiswi ngu dipswi da wuprofeti, hambi ngu mawombelo mamwane, mwendo dipswi di di ku nga di ta ngu kwathu, asi si ndino mi ninga kukholwa ti to ditshiku da Mkoma di hokile.

1 Timoti 6:5 kubhongelana ko mbi guma hagari ka vathu va mapimo o hambaneka, ava va ku singa ni ditshuri, nguko va pimisa ti to wukhongeli njisima txa dibhindu.

2 Timoti 3:8 Kufana ni kuwa Janesi ni Jambresi va nga eyisa Mosi, ngu toneto ni vona vava va kanetako ditshuri. I vathu va va nga wonheka mapimo, va likholo lo mbi tsana,

Titosi 1:15 Ka vava va nga basa timbilu, sotshe si basile, aniko ka vava va nga mbi basa, ku walo txo basa: Mapimo ni livhalo lawe si wonhekile.

Hebheru 12:3 Ngu toneto, alakanyani ene wuwa a nga timisela kuxaniswa ko ngeto, ngu kota ya vawonhi, kasiku mi si rereki, mi si gumi mtamo timbiluni kwanu.

Jakobe 1:8 Nguko, eyo i mthu wa mipimiso yimbidi, wa kanakana ka tosthe tinzila takwe.